

四庫全書

子部

欽定四庫全書

記纂淵海卷五

宋 潘自牧 撰

災異部

災異

經古有夏先后方懋厥德罔有天災書伊陟相太戊亳

有祥桑穀共生于朝序亡書高宗祭成湯有飛雉升鼎耳

而雉書彤高宗彤日越有雉雉書曰咎徵書天大雷電

以風禾盡偃大木斯拔金日月告凶不用其行詩燈燈

震電不寧不令百川沸騰山冢率崩高岸為谷深谷為

陵哀今之人胡憊莫懲詩宣王遇災而懼側身修行欲

消去之序保章氏命乖別之妖祥以詔救政禮周孟春行

夏令則雨水不時草木早落國時有恐行秋令則其民

大疫彘風暴雨總至藜藿蓬蒿並興行冬令則水潦為

敗雪霜大摯首種不入仲春行秋令則其國大水寒氣

總至寇戎來征行冬令則陽氣不勝麥乃不熟民多相

掠行夏令則國乃大旱煖氣早來蟲螟為害季春行冬

令則寒氣時發草木皆肅國有大恐行夏令則人多疾  
疫時雨不降山林不收行秋令則天多沉陰淫雨早降  
兵革並起孟夏行秋令則苦雨數來五穀不滋四鄙入  
保行冬令則草木早枯後乃大水敗其城郭行春令則  
蝗蟲為灾暴風來格秀草不實仲夏行冬令則雹凍傷  
穀道路不通暴兵來至行春令則五穀晚熟百騰時起  
其國乃饑行秋令則草木零落果實早成民殃於疫季  
夏行春令則穀實鮮落國多風欬民乃遷徙行秋令則

丘隰水潦禾稼不熟乃多女災行冬令則風寒不時鷹隼早鷲四鄙入保孟秋行冬令則陰氣太勝介蟲敗穀戎兵乃未行春令則其國乃旱陽氣復還五穀無實行夏令則其國多火災寒熱不節民多瘡疾仲秋行春令則秋雨不降草木生榮國乃有恐行夏令則其國乃旱蟄蟲不藏五穀復生行冬令則風災數起收雷先行草木早死季秋行夏令則其國大水冬藏殃敗民多軌疇行冬令則國多盜賊邊境不寧土地分裂行春令則煖

風來至民氣懈惰師興不居孟冬行春令則凍閉不密  
地氣上泄民多流亡行夏令則國多暴風方冬不寒蟄  
蟲復出行秋令則雪霜不時小兵時起土地侵削仲冬  
行夏令則其國乃旱氛霧冥冥雷乃發聲行秋令則天  
時雨汁瓜瓠不成國有大兵行春令則蝗蟲為敗水泉  
咸竭民多疥癘季冬行秋令則白露早降介蟲為妖四  
鄙入保行春令則胎夭多傷國多固疾命之曰逆行夏令  
則水潦敗國時雪不降冰凍消釋

記月

沙麓崩

春秋

梁山

崩 無冰 隕石于宋五六鷓退飛過宋都 十二月

隕霜不殺草李梅實 雨水冰 十月隕霜殺菽春秋齊

侯田于貝丘見大豕從者曰公子彭生也公怒射之豕

人立而啼 初內蛇與外蛇鬪於鄭南門中內蛇死

六年而厲公入申繻曰妖由人興也人無釁焉妖不自

作人弃常則妖興 晉文公卒殯于曲沃柩有聲如牛

有蛇出自泉宮入于國如先君之數 石言于晉魏

榆晉侯問于師曠對曰作事不時怨譴動于民則有非

言之物而言 王子朝用成周之寶珪于河津人得諸  
河上陰不佞拘得王者取其玉將賣之則為石 有鸛  
鵒來巢師已曰吾聞童謠有之曰鸛之鵒之公出辱之  
鸛鵒之羽公在外野往饋之馬鸛鵒跣跣公在乾侯徵  
褰與襦鸛鵒之巢遠哉遙遙稠父喪勞宋父以驕鸛鵒  
鸛鵒往歌來哭是年昭公孫于齊 楚王有疾是歲有  
雲如衆赤鳥夾日以飛周太史曰其當王身乎若禳之  
可移于令尹司馬王曰除腹心之疾而置諸股肱何益



遂弗榮 天反時為災地反物為妖人反德為亂亂則

妖生

並左傳

史凡天變過度乃占國君強大有德者昌弱小飾詐者

亡太上修德其次修政其次修教其次修禳史天官書國家

將有失道之敗而天乃先出災異以謹告之不知自省

天出怪異以警懼之尚不知變而傷敗乃至董仲舒傳漢惠

帝宜陽雨血漢書漢武帝建元四年有風赤雨血 漢成

帝即位封五舅其日黃霧四塞 哀帝時山陽雨血大

者如錢小者如麻漢書夫災變之發皆所以明教戒也惟

率禮修德可以勝之晉志晉愍帝建興二年霧着人如墨

晉書晉孝武帝京都地生毛同後魏世宗正始二年夜陰

霧四塞初黑後赤北史梁武帝大同元年雨土二年又雨

黃塵如雪覽之盈掬梁書梁大同二年雨灰色黃隋書梁簡

文帝時雨黃沙隋文帝開皇六年京師雨毛如馬尾並同

上君子見其變則知天之所謹告恐懼修省而已唐志唐

太宗貞觀八年隴右山崩大蛇屢見虞世南曰妖不勝

德惟務德可以銷變

唐書

傳記武王伐殷得二大夫問曰殷有妖乎其一人曰有  
殷國嘗雨石六月雨雪其一人曰是非殷國之大妖也  
殷君喜殺人喜以人飴虎喜割人心喜殺孕婦喜殺人  
之父孤人之子喜刑禍喜以信為欺欺者為忠喜田獵  
畢弋走狗飾馬喜修池臺宮室喜為酒池糟丘喜聽讒用  
譽無功賞無罪誅此殷國之妖也

六趙簡子問于翟封

餘曰吾聞翟雨穀三日雨血三日牛生馬馬生牛信

乎對曰此非翟之灾也其君幼弱其大臣比黨以求爵  
祿其百官肆斷而無常其政令不竟而數改此其妖也

說

燕伐齊齊湣王出走楚使淖齒救齊淖齒謂王曰夫

千乘博昌間地方數百里雨血霑衣羸博之地拆至泉

有人當闕而哭求之不得王悉知之乎王曰不知淖齒

曰天地人皆以告矣而王不知何得無誅遂殺湣王

戰國

策天灾地妖所以警人主也夢寐證怪所以傲人臣也

灾妖不勝善政怪夢不勝善行

家語

貌之不恭厥咎狂厥

極惡時則有龜孽雞禍言之不從厥咎僭厥極憂時則  
有詩妖介蟲之孽時則有犬禍視之不明厥咎豫厥極  
疾時則有草妖保蟲之孽聽之不聰厥咎急厥極貧時  
則有鼓妖豕禍思之不睿厥咎冢厥極凶短折時則有  
脂夜之妖時則有華孽牛禍皇之不極厥咎冢厥極弱  
時則有射妖龍蛇之孽時則有馬禍時則有日月亂行  
星辰逆行尚書大傳凡有所害謂之灾無所害而異于常謂  
之異洪範傳

日食

經乃季秋月朔辰弗集于房瞽奏鼓嗇夫馳庶人走注  
云集合也不合則日食可知書十月之交朔日辛卯日

有食之亦孔之醜此日而食于何不臧詩男教不修

陽事不得謫見于天日為之食是故日食則天子素服

而修六官之職蕩天下之陽事記昏義日有食之日有

食之既春秋莊公十五年六月辛未朔日有食之鼓用牲

于社非常也注云非常鼓之月長厯推辛未實七月朔

置閏失所故致月錯

左傳

惟正月之朔慝未作日有食之

于是乎用幣于社伐鼓于朝注云正月夏之四月周之

六月而傳云惟者明此月非正陽月也 士文伯曰國

無政不用善則自取謫於日月之灾 梓慎曰二至二

分日有食之不為灾日月之行也分同道也至相過也

其他月則為灾陽不克也

並同上

日有食之以朱絲禳社

或曰脅之或曰為暗恐犯之故禳之社者土地之主日

者土地之精上敷于天而犯日故朱絲禳之助陽抑陰

羊公天子救日置五麾陳五兵五鼓諸侯置三兵三鼓大

夫擊柝凡有聲皆陽事也以厭陰氣也穀日月之食人

皆見之更也人皆仰之

論語

子麒麟鬪則日月食

淮南子

史曰者德也故日蝕則修德漢書漢文帝二年日有食之

詔曰人主不德布政不均則天示之災以戒不治乃謫

見于天罪孰大焉其悉思朕之過失前本紀元帝永平二

年日蝕詔氣邪歲增侵犯太陽本紀哀帝初鮑宣上書今



日蝕於三始陛下深自內責避正殿舉直言求過失天

心同人心人心悅則天意得矣列傳迺正月辛丑朔日有

食之變見三朝之會上天聰明苟無其事變不虛生臣

聞師曰天佑與王者故灾異數見以謹告之若不畏懼

有以塞除而輕忽簡誣則凶罰加焉孔光傳黃琬祖父香

為魏郡守時日蝕而京師不見魏郡乃表日蝕之狀帝

問日蝕多少香久而無對琬年六歲在傍曰何不言日

蝕之餘如月之初遂用其言答詔本傳劉寵鄭弘徐昉趙

喜虞延並為三事以日蝕免官

漢書

唐玄宗開元二年二

月朔太史奏太陽應虧不虧姚崇表賀

通鑑

集陛下敬畏天命克已修身自辰至巳當虧不虧轉見

明朗

韓文賀  
穆宗表

本朝仁宗康定元年皇祐元年嘉祐四年神宗臨寧元

年皆正旦日食

會要

赫赫初出咸池中浴光洗跡生天東

不覺有物來晦昧團圓一片如頑銅前時蝦蟇食爾妃

天下戢戢無有忠責罵四方誰膽大仰頭憤憤惟盧仝

老鴉居處已自穩三足鼎峙何乖慵而今有嘴不能  
噪而今有爪不能攻任者怪物翳天眼方且省事保爾  
躬日月與物固無惡應由此鳥招禍凶

並梅聖俞詩

月食

經月盈則食

易

彼月而食則維其常

詩

婦順不修陰事

不得謫見于天月為之食故月食則后素服而修六宮

之職蕩天下之陰事

記昏義

子月望日奪其光月十五日與日相望東西中絕則月

食奪光也

淮南子

史晉永嘉元年月蝕赤如血

傳記秦胡亥立日月薄蝕熒惑襲月

說苑

月蝕后自提鼓

階前把槌擊鼓者三中良人諸御者宮人皆擊柝救之

月已食后乃入齋服素縞三日不從樂以應其祥

荊州記

集爛銀盤從海底出出來照我茅屋東天色紺滑凝不  
流冰光交貫寒瞳矐初疑白蓮花浮出龍王宮八月十  
五夜比並不可雙此時怪事發有物吞食來輪中輪

如壯士斧斫壞桂似雪山風拉摧百鍊鏡照見膽平地  
埋寒灰火龍珠飛出腦却入蛤蚌胎搥環破壁眼看盡  
當天一搭如煤炲磨滅踪跡須臾間便似萬古不可開

玉川月  
食詩

本朝有婢上堂來白我事可驚天如青玻璃月若黑水  
精時當十分圓只見一寸明主婦煎餅去小兒敲鏡聲  
此雖淺近意乃重補救情夜深鬼窟出衆星隨西傾

俞

梅聖

星變

經莊七年夏恒星不見夜明也星隕如雨與雨偕也

左傳

僖十六年隕石于宋五隕星也 文十四年有星孛入

于北斗周内史曰不及七年宋齊晉之君皆將死亂

昭十年有星出于婺女裨竈曰七日戊子晉侯將死

十七年有星孛于大辰西及漢申須曰彗所以除舊布

新也

並春秋左傳

二十六年齊有彗星齊侯使禳之晏子曰

無益也天之有彗也以除穢也君無穢德又何禳焉若

德之穢禳之何益

同上

子鯨魚死而彗星出

淮南子

史五星五星所行合散犯守厯陵關蝕彗孛飛流皆陰之精本于地而發于天也

前天文志

孝昭元始中太白入太

微太微者天庭也法曰國恐有誅建始四年熒惑踰歲星占曰熒惑與歲星鬪有病君饑歲而後旱傷麥民食榆皮

綏和二年熒惑守心丞相翟方進欲塞灾異自殺

上彗孛字秦始皇十五年彗星四見長或竟天

史漢武元記

封元年有星莧于東井後十餘日有星莧于三能台望

氣王朔言候獨見其星出如瓠有司皆曰陛下封禪天

其報德星云史哀帝建平二年彗星出牽牛漢書獻帝建

安二十三年彗星晨見東方日夕出西方後漢天狗天狗

狀如大奔星有聲其下止地類狗破軍殺將史記孝昭元年

祥雲如狗赤色長尾三枚前天文志成帝綏和元年天有星

隱如雷聲有流星如缶長十餘丈郡國皆言為王者失

勢諸侯起伯之異漢書哀帝建平元年有物着天白廣如



一疋布西南行聲如雷一刺止曰天狗上同北齊孝昭皇

建二年天狗下于鄆山於其下講武厭之帝將至有鬼

驚馬墜死隋書煬帝大業十二年有大流星如斗出王良

閣道聲如頽墻其日又有大流星如甕出羽林有聲同上

枉矢枉矢類大流星蛇行而蒼黑望之如有毛羽史天官書

晉武帝元康四年枉矢北行竟天之半晉書齊東昏侯永

光三年枉矢晝見西方長十餘丈隋書虫尤旗虫尤之旗

類彗而後曲象旗見則王者征伐四方史天官書魏嘉平四

年白氣經天司馬景王問王肅肅曰此蚩尤之旗也東

南其亂乎

魏志

營頭晉惠帝太和二年星晝流矢北下光

變有聲如雷占曰為營首其下有亂流血

晉書

傳記五星人君不仁春殺無辜則歲星失度人君薄恩  
無義懦弱不勝任則太白失度人君內無仁義外多華

飾則鎮星辰星失度

京房五星占

彗字彗星為櫟槍

爾雅

彗星

者天之旗

河圖

五星散為五色之彗

同上

赤彗火精如火耀

長七尺

運斗

彗星在北斗禍大起在三台臣害君在太微

君害臣在天獄諸侯作禍彗行所指其國大惡

考經天狗

太白散為天狗主候兵

河圖

七國之兵戰於梁地故天狗

先降梁壘見以其象也狗者守禦之也所降以惑守禦

也

洪範傳

金門之山有赤犬名曰天狗其所下者起兵

山海

經兩敵相望其雲氣如牛馬狀頭低尾仰曰天狗勿與

戰也

兵書

枉矢辰星散為枉矢流所射刑誅

河圖

枉矢者弓

矢之象也枉矢之所觸天下之所伐滅亡之象也

洪範傳

枉矢或南或北無聚衆伐戰國

春秋

蚩尤旗熒惑散為蚩

尤旗主惑亂河虫尤冢在東郡壽張縣闕鄉城中高七

丈民常十月祠之有赤氣出如絳名曰虫尤旗

皇覽  
墓記

### 雷變

經秋大熟未穫天大雷電以風書煜煜震電不寧不令

詩隱九年春大雨震電公羊傳云記異也春僖十五年

震夷伯之廟左傳云於是辰氏有隱慝焉

同上

史晉莊伯八年無雲而雷史記秦二世時無雲而雷是歲

陳勝起兵天下亂漢昭帝五年十一月大雷震成

帝元初元年夏無雲而雷光耀四照昏乃止

前漢書

安帝

永初六年十月郡國大雷延光四年十月郡國凡三十

雷

後漢

桓帝建和三年雷震憲陵寢屋

獻帝初平四年

無雲而雷

後漢

吳孫亮建興初十二月大風雷

晉書

晉惠帝

太安二年八月天中裂為二無雲而雷

同後魏

太祖天

賜六年震天安殿東序帝惡之以衝車攻殿東西兩序

屋毀之

北史

隋文帝開皇十二年無雲而雷

隋書

唐太宗貞

觀十一年震乾元殿前槐樹

唐書

傳記人君制用節度即風雷以節暴行威福即雷霆殺

人

京房易傳

人君行政事民不恐懼故致洊雷之變 天冬

雷地必震教令撓則冬雷民飢同上臣僭奢下犯主則雷

電擊朝河圖霹靂擊於宮殿者妃后爭政 王言不從草

而秋多霹靂霹靂者金氣也其音商故應之並春秋繁露

集巫山冬可怪昨夜有奔雷杜詩龍蛇不成蟄天地劃爭

回同上

雨電

經大雨雹春秋武子問于申豐曰雹可禦乎對曰聖人

在上無雹雖有不為灾古者日在北陸而藏兵西陸朝

覲而出之今藏川池之冰弃而不用風不越而殺雷不

發而震雹之為灾誰能禦之左傳

子景帝二年秋雨雹大者五寸永初三年夏河中縣大

雨雹如杯棬大或如斗殺畜牲雉兔折樹木孔叢子

史周孝王七年厲王生冬大雹牛馬死江漢俱凍史漢記

武元封三年冬雨雹大如馬首前漢宣帝大始中山陽濟

陽雨電如雞子深二尺五寸殺飛鳥牛馬皆死 成帝

時楚國雨電大如斧飛鳥死 王莽時雨電殺牛羊並同

上安帝初元四年郡國三雨電大如雞子殺六畜 獻

帝初平四年扶風電大如升殺人後漢晉武帝時五月雨

電傷禾麥壞屋 惠帝時六月雨電深三尺 元帝時

風電殺人 明帝時京師大雨電燕雀死 穆帝時六

月雨電大如升晉書宋元嘉三十年盱眙雨電大如雞子

宋書梁武帝大通年四月雨電隋書陳宣帝大建二年六月



大雨雹十年四月又大雨雹同上

傳記陽之專氣為雹陰之專氣為霰大戴禮盛陽雨水温

煖而湯熱陰氣脅之不得入則轉而為雹洪範雹下盡樹

木枝害五穀者君賦斂刻民京房易傳漢文帝後元年雨雹

如桃李深三尺白虎通劉居中至嵩山有大蜥蜴數百人

以食食之一日聚繞水盆邊各就取水纔入口即吐雹

俄頃纍纍滿地忽震雷一聲起皆失去明日人言昨午

雨雹大作乃知蜥蜴所為夷堅志

本朝熙寧中河州雨雹大者如雞卵小者如蓮芡或如人頭耳目口鼻皆具無異鐫刻次年王師平河州蕃戎授首者甚衆豈克勝之符預告耶

歐陽公

### 地震

經地震

春秋

南宮極震甚弘謂劉文公曰周之亡也其三

川震今西王之大臣亦震天弃之也東王必大克

左傳西王

謂王子朝也東王敬王也

史周幽王二年三川震太史伯陽甫曰周將亡矣昔伊

洛竭而夏亡河竭而商亡今周如二代之季其川源又  
塞塞必竭川竭山崩國亡之證也史記魯文公九年地震

劉向以為周襄王失道楚穆王商臣殺父成王臣下強

盛將動為害

前五  
行志

魯襄公十六年地震其後崔氏專齊

樂益專晉良霄傾鄭閻殺吳子燕逐其君楚滅陳蔡昭

公十九年地震劉向以為是時季氏將有逐君之變昭

公三十三年地震劉向以為是時周景王崩劉子單子

立王子猛尹氏立王子朝 哀公二年地震仲尼見棄

而季氏強

並同上

漢惠帝時地震隴西壓四百餘家 武

帝時地震壓殺人 宣帝時地震河南以東四十九郡北

海瑯琊壞祖宗廟城郭殺六千人後又京師地震至北

邊郡國三十餘壞城郭殺四百餘人 元帝建昭四年

藍田地震沙石流擁潭水安陵岸崩擁水逆流

前漢光武

時地震裂 和帝時郡國十三地震 順帝時頻地震

岸崩及地陷 冲帝時京師地震三郡沙擁土裂 桓

帝時京師地震又震憲陵寢屋 靈帝時地震海水溢

又震鴻都府門

獻帝時雍州地頻震

後漢

魏明帝時京

師地震搖動屋瓦

晉武帝時頻歲地震

惠帝元康

四年郡國地震淮南洪水出或山崩地陷壞城府殺百

餘人

元帝大興元年頻地震或水湧山崩殺人

晉宋

孝武大明元年地震有聲自河北來魯郡山搖地動彭

城女墻四百八十丈墜屋傾兗州地裂泉湧二年不已

宋書

梁武太清二年侯景舉兵反於豫州登壇歎血之地

震三年地再震

隋書

隋文帝開皇二十年廢太子勇以晉

王廣為皇太子將冊之夜烈風大雪地震山崩人舍多

壞殺人同

傳記地動陰有餘京房易占周文王寢病五日而地動東西

南北不出國郊百吏皆請曰臣聞地之動為主也羣臣  
皆悲曰請移之興事動衆以增國城文王曰我必有罪  
故天示此罰我今動衆以增國城是重吾罪不可無幾

瘳疾也

韓詩外傳

本朝民覺函鼓舞禁堞強崩離坐駭市聲死立怖人足

踣坦途重車債急傳壯馬歌陵阜動撫手礫塊當揚箕  
停污且亂浪僵木無靜枝衆喙不暇息杳嶂驚欲飛踊  
搭撼鐸碎安流蕩舟疲倒壺喪午漏顛巢駭眠鴟居人  
眩眸子行客勞觸兒南北頓儻忽西東播戎夷衆蟄不  
安土羣毛難麗皮驚者去靡所朴或如見擠轟雷下簷  
瓦決玉傾倉染雙顛太室吻四躍宸庭螭萬宇變旋室  
百城如轉機念此大菑患必由政瑕疵

蘇叔子才  
美聯句

水菑

經湯湯洪水方割蕩蕩懷山襄陵浩浩滔天下民其咨

書 泂水警予

大禹謨

洪水滔天浩浩懷山襄陵下民昏墊

益

搜絲堙洪水

洪

洪水茫茫

詩

大水

春秋

凡平原出水為大

水左

傳宋大水公使弔焉曰天作淫雨害於梁盛若之何

不弔對曰孤實不敬天降之灾又以為君憂拜命之辱

左傳

子當堯之時洪水橫流汎濫于天下

孟子

水逆行汎濫于

中國蛇龍居之民無所定下者為巢上者為營窟

孟子

古

者水為民害禹鑿龍門闢伊闕平治水土使民得陸處



往古之時四極廢九州裂水浩漾而不息於是女媧

積蘆灰以止淫水

淮南子

史秦武王三年渭水赤三日昭王三十四年渭水大水

三日史記高后三年漢中南郡河陽大水流數萬家前五行志

山東被水災民多飢乏於是天子遣使虛郡國倉廩以

賑貧

貨志

昭帝詔迺者民被水災頗匱于食朕虛倉廩使

使者賑乏

漢武帝

桓帝永興三年彭城泗水溢流永壽元

年洛水溢至津城門漂流人物 獻帝建安二年漢水

溢害人物 公沙穆銳思洛下推步之術永壽元年大

水三輔以東無不漂沒穆明曉占候乃預告令民徙

居高地故弘農人獨得免灾

後漢

任文公巴郡人也為治

中從事時天大旱白刺史曰五月一日當有大水其變

卒至不可防救宜令民吏預為其備刺史不聽文公獨

儲大船百姓頗有防者其日旱烈至日中雲起須臾雨

至晡時湔水湧起十餘丈突壞廬舍所害數千人

上同建

武十年雒水出造津城門或欲築塞之陳宣諫曰昔王

尊正身金堤水退况聖主耶言未絕而水去

范曄後漢書

傳記君酒于酒淫于色賢人潛國家危厥異流水亦

京房

占易哀帝延平六年河東河化為血元初二年潁川襄城

臨水化為血不流

崔豹古今注

集洪泉極深何以寘之

楚詞天問

天網濔滴為凋為瘵洪濤

瀾汗萬里無際長波沓沓迤延八裔

木華海賦

秋陰欺白日

泥潦不少乾河隄決東都老弱隨驚湍

䟽決須有賴

懷襄信可畏

堯呼大水浸十日不惜萬國赤子魚頭

生 暮宿投民村高處水半扉萬舟入其家冥聞屋中

唏韓集

本朝方夏潦之流也雲蒸雨洩雷電發越江湖為一后

土冒沒舟行城郭魚龍入室

東坡秋陽賦

豈知下土人水滂

沒襟裾出門愁浩渺閉戶恐為渚墻壁豁四達幸家無

貯儲壓溺委性命焉能顧圖書乃知生堯時未免憂為

魚擾擾泥淖中無異鴨與猪

歐陽公

我行都是退之詩真

有人家水半扉千頃桑麻在船底空餘石髮掛魚衣

東坡

車馬無復見紛紛操棧榔新秋忽已晴九陌尚汪洋不  
知京國喧謂是江湖鄉龍卷魚蝦並雨落人隨雞犬  
上墻眠坐觀入市巷閭井吏民走盡餘王尊入城  
相對如夢寐我亦幸免為魚鼃並同上東濕炊懸釜翻床

補壞壁

陳后山

火災

經若火之燎于原不可嚮邇其猶可撲滅書齊大灾春秋  
西宮灾成周宣榭火左傳曰人火之也凡火人火曰

火天火曰灾 新宮灾三日哭 宋灾 陳灾 宋衛

陳鄭灾雉門及兩觀灾 桓宮僖宮灾 亳社灾 襄

九年宋災樂喜為司城伯氏司里火所未至徹小屋塗

大屋陳畚揭具綆缶備水器量輕重蓄水潦積土塗巡

犬城繕守備表火道祝宗用馬于四墉祀盤庚于西門

之外晉侯問于士弱曰吾聞之宋灾於是乎知有天道

何故對曰古之火正或食于心或食于味以出内火是

故味為鶉火心為大火陶唐氏之火正閼伯居商丘

分野之辰辰  
火主火也

祀大火而火紀時焉相土因之故商主大

火商人閱其禍敗之釁必始於火是以日知其有天道

也

宋商之後  
也左傳

三十年或叫于宋太廟曰囍囍出出鳥鳴

于亳社如曰囍囍甲午宋大災宋伯姬卒待姆也

待姆  
不來

而死

昭十七年有星孛于大辰西及漢申須曰彗所以

除舊布新也今除于火火出必布焉諸侯其有火災乎

梓慎曰往年吾見之是其證也火出而見今茲火出而

章其居火也必矣若火作其在宋衛陳鄭乎宋大辰之

虛也陳太皞之虛也鄭祝融之虛也皆火房也星孛及  
漢漢水祥也衛顓帝之虛也故為帝丘其星為大水水  
火之壯也其以丙子若壬午作乎水火所以合也鄭裨  
竈言于子產曰宋衛陳鄭將同日火若我用瓊斝玉璫  
鄭必不火子產弗與十八年五月火始昏見丙子風梓  
慎曰是謂融風火之始也七日其火作乎壬午宋衛陳  
鄭皆火裨竈曰不用吾言鄭又將火子產曰天道遠人  
道邇竈焉知天道是亦多言矣豈不或信遂不與亦不





復火火作之明日禳火于玄冥回祿祈于四鄰 哀三  
年司鐸火火踰公宮桓僖灾南宮敬叔至命周人出御  
書子服景伯至命宰人出禮書校人乘馬巾車脂轄百  
官備府庫謹守官人肅給濟濡帷幕鬱攸從之蒙茸公  
室自太廟始外內以悛公文伯至命校人駕乘車季桓  
子至御公立于象魏之外命救火者傷人則止財可為  
也命藏象魏曰舊章不可忘也富父槐至曰無備而官  
辦者猶拾潘也於是乎去表之藁道還公宮孔子在陳

聞火曰其桓僖乎

左傳

子失火而遇雨失火則不幸遇雨則幸也故禍中有福趨夫救火者汲水而赴之或以甕瓴或以盆盂其方員

銳橢不同盛水各異其於滅火均也

淮南子

史漢武時河內失火燒千餘家上使汲黯視之

前漢晉太

子適惠帝長子也宮中嘗夜失火武帝登樓望之太子時五歲牽帝裾入閣中曰暮夜倉卒宜備非常不宜令照見人也帝由是竒之武庫火張華懼變列兵固守

然後救之累代之寶及漢祖斬蛇劍王莽頭孔子履等  
盡焚焉 佛圖澄嘗與石季龍升中臺澄忽驚曰幽州

當火災仍取酒啜之久而笑曰救已得矣季龍遣驗幽

州云火從西門起西南驟雨滅之雨亦頗有酒氣

晉書

傳記古初遭父喪未葬隣人失火及初舍棺不可移冒

火伏棺上火乃滅

東觀漢記

晉平公藏寶之臺燒救火三日

三夜乃勝之公子晏賀曰臣聞王者藏於天下諸侯藏

於百姓農夫藏于囷庾商賈藏于篋匱今百姓乏於外

而賦歛無已皇天降災是君之福也

韓詩外傳

劉昆為江陵

令民有火災昆向火叩頭即霈然下雨

陳留耆舊傳

鄭玄年

十七在家見大風起詣縣曰某時當有火災宜祭燿神

廣設禁備時火果起而不為害

別傳

樂巴為尚書正朔大

會巴得酒不飲西南嘆之有詔問巴巴曰臣本縣成都

都市大失火故因酒為雨以滅火驛至果如其言

列仙傳

糜竺嘗從洛陽歸有好新婦從求寄載行二十餘里謝

竺曰我天使也當往燒東海糜竺家感君見載故以相

語君快去我緩行竺乃急行達家使出財物日中而火

大發

搜神記

集永州多火災人無安處老弱燔死晨不爨夜不燭蓋  
類物為之者訛言相驚云怪鳥莫實其狀山海經云有鳥如  
鶴一足赤文白嘴其名曰畢方見則其邑有譌火若今  
火者其可謂譌歟而人有以鳥傳者其畢方歟遂令邑  
中狀而圖之禳而磔之為之文而逐之柳文朝儲清以聯  
遂兮夕蕩覆而為灰焚傷羸老兮炭死童孩叫號墮突

兮戶駭人哀袒夫狂走兮倏忽往來鬱收孽暴兮混合  
恢台民氣不舒兮僵踣顛頽休炊息燎兮反覆灰煤門  
覺晦黑兮啟伺奸回柳中宵焚九廟雲漢為之紅杜訛

火急生燬

柳詩

本朝半夜人呼急橫空火氣浮天遙殊不辨風急已難  
收曉入陳倉縣猶餘賣酒樓烟煤已狼籍吏卒尚呀咻

東坡

早曠

經僭常暘若

書

早既太甚蘊隆蟲蟲

詩

早既太甚則不

可推

早既太甚則不可沮赫赫炎炎云我無所

早

既太甚滌滌山川旱魃為虐如暎如焚

早既太甚黽

勉畏去胡寧瘕我以旱惜不知其故

詩

如彼歲旱草不潰

茂名舞師教皇舞帥而舞早曠之事

周禮

司巫若國大旱

則帥巫而舞雩

女巫早曠則舞雩

周禮

歲旱繆公名縣

子而問焉曰天久無雨吾欲暴尪而奚若曰天則不雨

而暴人之疾子虐無乃不可乎然則吾欲暴巫而奚若

曰天則不雨而望之愚婦人於已求之母乃已䟽乎徙

市則奚若曰天子崩巷市七日諸侯薨巷市三日為之

徙市不亦可乎

記禮引

大旱

春秋

不雨

自十二月不雨至

于秋七月 自正月不雨至于秋七月 僖三年自十

月不雨至于五月不雨旱不為灾也 二十一年大旱

公欲焚巫尪臧文仲曰非旱備也脩城郭貶食省用務

穡勸分此其務也巫尪何為天欲殺之則如勿生若能

為旱焚之滋甚 衛大旱卜有事于山川不吉甯莊子



曰昔周饑克殷而年豐今邢方無道諸侯無伯天其或  
者欲使衛討邢乎師興而雨 鄭大旱使屠繫有事于  
桑山斬其木不雨子產曰有事于山藝山林也而斬其  
木其罪大矣奪之官邑左傳閔雨者有志乎民者也穀梁

子七八月之間旱則苗槁矣 若大旱之望雲霓也

若大旱之望雨也孟大旱金石流土山焦莊湯之救旱

也素車白馬布衣身嬰白茅以身為牲尹晉平公使師

曠奏清角師曠不得已而鼓一奏之有雲從西北方起

再奏之大風起大雨隨之晉國大旱赤地三年

韓子

史共和十四年大旱火焚其屋伯和篡立故有大旱

史記

武帝元封年夏旱公孫卿曰黃帝時封則天旱乾封三

年上乃下詔曰天旱意乾封乎

封禪書

宣帝本始三年夏

大旱東西數千里東海有婦養姑甚謹姑自經死姑

女告吏云婦殺我母于公爭之不能得太守竟論殺孝

婦郡中枯旱三年

前漢

獻帝興平元年秋三輔旱人相噉

食

後漢

晉永嘉初大旱河洛漢皆可涉晉元帝斬淳于

伯于建康市刑者以刀拭柱血皆上流於是大旱三年

晉書宋孝武時頻歲大旱人飢死者十有六七宋書隋煬帝

時大旱人疫死者如山隋書憲宗時江淮浙東旱遣使分

道賑貸唐書

傳記水干土則大旱旱之言悍也驕陽蹇所至也春秋

考異南方有人長二三尺袒身而目在頂上走行如風名

曰魃所見之國大旱神異經齊大旱景公欲祠靈山晏子

曰夫靈山以石為身以草木為毛髮天不雨髮將焦身

將熱彼獨不欲雨乎祠之何益公曰吾欲祠河伯可乎  
晏子曰河伯以水為國以魚鼈為民天久旱百川將竭  
國亡民將滅矣彼獨不欲雨乎祠之何益公曰奈何晏  
子曰公試避宮殿曝露與山河共憂其幸而雨景公曝  
露三日果大雨晏子春秋歲旱旱草先生旱草者蒺藜也師曠  
占湯大旱七年雒川竭煎沙爛石於是祀山川祝曰政  
不節與民失職與蒼莖直行與譏夫昌與宮室崇與女謁  
盛與何不雨之甚也說苑

集早有三日天旱國旱人旱曷為天旱蹇陽肆凶下土  
祇謹雖六七歲黎民不飢曷為國旱君道熾灾德涸仁  
枯貪風暴氣蒸為時癘曷為人旱邦毀其政吏賊其行  
千里人心燥不為陰夫天旱求諸仁仁洽而時豐國旱  
求諸德德潤而澤流人旱求諸政政清而俗阜今貨游  
于上刑黜于下百姓焦愁結成狠暑所謂人旱也邦守  
不清其政而逮龍貸雨於何可異乎文維茲之旱兮其  
誰之由我知其端兮風伯是尤山升雲兮澤上氣雷鞭

車兮電搖幟雨寢寢兮欲墜風伯怒兮雲不得止雲屏

屏兮吹使醜之氣將交兮吹使離之鑠之使氣不得化

寒之使雲不得施

韓訟風伯

昔聞草木焦今覩沙石爛

何遜

藏恨雨師健步聞旱魃前聖欲焚巫武王親救暘真

龍意寂寞土梗空俯僂暴尪成前聞鞭巫非稽古

杜詩

本朝方炎夏之隆蒸兮閔時澤之不濡寇乘時而行虐  
兮盜威烈乎陽烏駕畢方而驟熒惑兮回祿為其前驅  
燼所及於一燎兮何有瓦石與璠璣豐隆致其微陰兮

飛塵蕩覆而無餘野曠曠而揚塵兮何蕭艾之紛敷應

龍矯首于下澤兮僅自免于槁枯鳥呀咩而忘飛兮獸

逃穴而深居

張文潛賦

旱野渴天澤

歐陽公

安得夢隨霹靂車

馬上傾倒天瓢翻

東坡

我來秋日午旱久石床温安得雲

如蓋能令雨瀉盆

歲旱泉水竭枯萍粘破塊

並同上未

須丘垤占鳴鶴只要朝廷起卧龍

山谷

### 蝗螟

經去其螟螣及其蠹賊無害我田穉田祖有神秉畀炎

火詩螟 螽 有蜚 蟊生 文三年雨螽于宋墜而

死也左傳雨螽于宋外灾不書此何以書灾甚也其灾甚

柰何茅茨盡也

梁穀

史漢平帝時蝗詔使者捕蝗人能捕蝗詣吏者以石斗

受錢前漢魯恭為中牟令蝗不入境後本傳宋均為九江守

山陽楚沛多蝗至九江輒散本傳貞觀間京畿旱蝗食稼

唐太宗在苑中掇蝗欲吞之曰寧食吾之肺腸是歲蝗

不為患通鑑開元山東大蝗姚崇奏請捕蝗盧懷慎以為



殺蝗太多恐傷和氣崇曰昔楚王吞蛭而愈疾孫叔敖  
殺蛇而獲福今蝗幸可驅若縱之穀且盡如百姓何若  
使殺蝗有禍崇請當之

唐書

傳記食苗曰螟食葉曰螽食根曰蝨食節曰賊爾雅蝗蝻  
也一曰蝻一名蝻說文蝗蟲腹下有梵字雜俎馬援為武陵

守郡有蝗化為魚蝦

東觀漢記

集始自兩河及三輔荐食如蠶飛似魚

白樂天

本朝祥符九年飛蝗過京城執政有袖死蝗上進者於

是率百官賀王旦不可於是二府方奏事飛蝗殺天上

曰使百官方賀而蝗若此豈不為天下笑耶

通鑑

趙抃守

青州時山東旱有蝗自青齊來及境遇風退飛墮水而

盡

言行錄

蠅頭出土不急捕羽翼已就功難施只驚羣飛

自天下不究生子由山陂官書立法空太峻吏愚畏罰

反自欺蓋藏十不敢申一上心雖惻何由知不如寬法

擇良令告蝗不隱捕以時今苗因捕雖踐死明歲猶免

為螽災

歐陽公

去年夏旱秋不雨海畔居民餘鹹苦今年

春煖欲生蝼地上戢戢多于土預憂一旦開兩翅口吻  
如蜂那肯吐前時渡江過吳越布陣橫空如項羽農夫  
拱手但垂泣人力區區固難禦撲緣駿尾困牛馬啗噉  
衣服穿房戶坐觀不救亦何心秉畀炎火傳自古荷鋤  
散掘誰敢後得米濟飢還少補

同上

饑荒

經帝曰棄黎民阻饑汝后稷播時百穀書暨稷播秦庶  
艱食鮮食稷益古者國有凶則殺禮而多昏會男女之無

夫家者所以育人民也詩序王曰於乎何辜今之人天降

喪亂饑饉薦臻

詩

大司徒以荒政十有二聚萬民一曰

散利二曰薄征三曰緩刑四曰弛力五曰舍禁六曰去

幾七曰省禮八曰殺哀九曰蕃樂十曰多昏十一曰索

鬼神十二曰除盜賊

周禮

歲凶年穀不登君膳不祭肺馬

不食穀馳道不除祭事不縣大夫不食梁士飲酒不樂

記曲禮

莊二十八年大無麥禾臧孫辰告糴于齊公羊傳

曰君子之為國也必有三年之委一年不熟告糴饑也

春秋 秋饑 大饑 一穀不升謂之歉 二穀不升謂之饑 三

穀不升謂之饑 四穀不升謂之荒 五穀不升謂之大侵

穀 梁

子梁惠王曰河內凶則移其民于河東移其粟于河內

河東凶亦然子孟凶年免於死亡 凶年饑歲君之民老

弱轉乎溝壑壯者散而之四方者幾千人矣 凶歲子

弟多暴子孟

史河內貧人傷水患萬餘家父子相食臣謹以便宜持

節發河內倉廩以賑貧民汲武武帝元鼎二年關東餓死

者千數詔下巴蜀之粟致之江陵有賑拯饑民免其危

者具舉以聞宣帝本始四年詔今歲不登遣使者賑

貸困乏元帝詔歲比災害民有菜色下詔吏虛倉廩

開府庫賑救唐玄宗秋雨害稼京師饑裴耀卿曰陛

下可遣重臣分道賑饑俱本紀

傳記穀不熟為饑蔬不熟為饑果不熟為荒仍饑為荐

雅雨

集傳聞閭里間赤子弃渠溝持男易斗粟掉臂莫肯酬  
我時出衢路餓莩何其稠親逢道死者佇立久咿嚶歸  
舍不能食有如魚挂鈎

韓集

本朝景祐二年吳中大饑范文正公鎮浙西發粟募民  
以餉監司劾公不恤荒公乃自序所以晏游興造皆欲  
以有餘之財以惠貧者工技服力之人仰食于公私者  
日無慮萬數荒政之施莫此為大

筆

談趙清獻知越州兩

浙旱蝗米價踴貴諸州皆禁增米價公獨榜衢路令有

米者增價糴之於是米商輻湊米價更賤民無饑死者

記聞

富鄭公知鄆州自鄆移青會河朔大水民流京東擇

所部豐稔三州勸民出粟得十五萬斛益以官廩隨所

在貯之得公私廬舍十餘萬間散處其人凡活五十萬

人募而為兵又萬餘人

神道碑

杭州大旱蘇公軾請于朝

免本路上供米三之一故米不翔貴復得賜度牒百易

米以救饑者活者甚衆

言行錄

老農釋耒歎淚入飢腸痛

飢火燒腸作牛吼不知待得秋成否 願君五袴手



拈此半菽魂 曾活萬人寧望報 祇求五畝却歸耕

東坡

兼并閉困廩一粒不肯分 伺待官粟空騰價 邀吾民坐

視既不可禁之亦紛紛

張文潛

### 疫癘

經天方薦瘥 喪亂弘多 四時皆有癘疾 春時有疔首

疾 夏時有痒疥疾 秋時有瘡寒疾 冬時有嗽上氣疾

周禮

以禴民之喪禮 大禮則不舉

周禮

癘疾不降 民不夭札

左傳

子使物不疵癘

史秦始皇三年蟲起東方蔽天而下年為大疫

史記哀帝

永初六年大疫疫者邪亂之氣所生延光四年京師大疫有絕門者 桓帝元康元年正月京都大疫二月九

月廬江又疫 獻帝建安二十二年大疫

漢書

魏文帝黃

初四年宛許大疫死者萬數 明帝青龍二年四月大

疫三年京師大疫

晉書

傳記人主好聚斂則人多疫死

六韜

顓頊氏有三子亡而

為疫鬼

山海經

集屑屑水帝魂謝謝無餘輝如何不肖子尚奮瘡鬼威

詛師毒口牙舌作霹靂飛符師弄刀筆丹墨交橫揮

韓

瘡

本朝遂令邪風伺間隙潛中瘟疫於民氓

歐陽

記纂淵海卷五

欽定四庫全書

子部  
記纂淵海卷六

詳校官中書臣徐日煥

侍讀臣孫球覆勘

總校官降詞編修臣倉聖脉

校對官學正臣常 循

謄錄監生臣甯汝櫺

欽定四庫全書

記纂淵海卷六

宋 潘自牧 撰

地理部

地

經至哉坤元萬物資生乃順承天坤厚載物德合无疆  
地勢坤君子以厚德載物 不習无不利地道光也  
地道无成而代有終也 俯以察於地理 俯則觀  
法於地觀鳥獸之文與地之宜 坤者地也萬物皆致

養焉易大司徒掌天下土地之圖周知九州地域廣輪

之數辨其山林川澤丘陵墳衍原隰之名物周禮地秉陰

竅於山川記禮地載萬物郊特牲地載神氣孔子今夫地

一撮土之多及其廣厚載華嶽而不重振河海而不洩

萬物載焉中庸如地之無不載也左

子地載而無棄故安而不動莫不生植管子地者萬物之

本原諸生之根苑也管子女媧斷鼇足以立四極夫大

塊載我以氣勞我以形佚我以老息我以死列子闔四海

之內東西二萬八千里南北二萬六千里禹乃使大章  
步自東極至於西極二億三萬三千五百里七十五步  
使豎亥步自北極至於南極二億三萬三千五百里七  
十步九州之外乃有八殞自東北方曰大澤曰無通  
東方曰大渚曰少海東南方曰具區曰元澤南方曰大  
夢曰浩澤西南方曰渚資曰丹澤西方曰九區曰泉澤  
西北方曰大夏曰海澤北方曰大冥曰寒澤八殞之外  
乃有八紘自東北方曰和丘曰荒土東方曰棘林曰桑

野東南方曰大窮曰衆安南方曰都廣曰反戶西南方  
曰焦僥曰炎土西方曰金丘曰沃野西北方曰一目曰  
沙所北方曰積冰曰委羽八紘之外乃有八極自東北  
方曰方土之山曰蒼門東方曰東極之山曰開明之門  
東南方曰波母之山曰陽門南方曰南極之山曰暑門  
西南方曰編駒之山曰白門西方曰西極之山曰閭闔  
之門西北方曰不周之山曰幽都之門北方曰北極之  
山曰寒門

淮南子

地形者所以窮南北之脩極東西之廣



經山陵之形區山谷之居列山川之數規遠近之路

使人通達周備淮南地者統元形焉非止丘陵山川之謂

也文中

史蕭何入秦收圖書藏之以此沛公具知天下阨塞戶

口以何得秦圖書也前本紀光武披地圖指示鄧禹曰天

下郡國如是今始得其一後鄧禹傳裴秀作地域圖十八篇

奏之地圖之體有六一曰分率所以辨廣輪之度也

二曰準望所以正彼此之體也三曰道里所以正所由

之數也四曰高下五曰方邪六曰迂直此三者各因地

而制以校夷險之數也

本傳

傳記東至於泰遠西至於邠國南至於濮鉛北至於祝

栗謂之四極觚竹北戶西王母日下謂之四荒九夷八

狄七戎六蠻謂之四海

爾雅

地者易也言養物懷任交易

變化含吐應節故其立字土力於乙者為地

春秋

地東西

為緯南北為經山為積德川為積刑

家語

地有四遊常動

而不止譬如人在大舟中閉牖而坐舟行不覺也

尚書考靈

曜地有三千六百軸河圖地象括地者萬物之祖元氣所由

生也白虎通地以川為脉草木為毛土為肉石為骨博物志

九地者一為沙泥二澤浼三汜崖四下田五中田六上

田七下山八中山九上山太玄注費長房有神術能縮地

脈千里聚在目前放之復如舊神異傳

集八柱何當東南何虧楚詞天問按淮南子云地有八柱康回憑怒地

何故以東南傾同上康回共工也按列子云共工怒觸不周之山絕地維東西南北

其脩孰多南北順隕其衍幾何同上奈何以彈丸地而困

太平之民哉

高適上疏

刪百代之弊綜羣言之首繁而不亂

疎而不漏才識以潤之丹青以炳之使嗜學之徒未披

文而見義不由戶而覩奧斯乃訓導之明也窮地而述

舉世而載事極洪纖理通微昧混一家文軌張大國之

襟帶數人物之虛實總山川之要會表皇威之有截明

王道之無外斯乃功用之大也見蒼梧塗山則思舜禹

卹民之艱覩窮荒大漠則悟秦漢勞師之弊覽齊墟晉

壞則想桓文勤王之霸觀洞庭荆門則知苗蜀恃險之

敗王者於是明乎得失諸侯於是鑒乎興替斯又懲勸

之道也

呂溫地志圖序

上帝既剖混沌氏以支節為山嶽以腸

胃為江河一旦慮其掀然而興則下無生類矣於是孕

銅於山澤滓魚鹽於江河俾後人攻取將有以苦混沌

之靈而致其不起也嗚呼混沌氏則不起而人力殫焉

羅隱蒙叟遺意

地形連海盡

李

俯入裂厚坤

殺氣南行動坤

軸 開地當天險

同

五方亂風土百種分鋤耕

韓

稍疑

地脈斷

柳集

本朝彈丸黑子之地

趙善傳

沈僊問何謂四游朱文公曰

謂地之四游升降不過三萬里非謂天地中間相去止  
三萬里也春遊過東三萬里夏遊過南三萬里秋遊過  
西三萬里冬遊過北三萬里今歷家算數如此以土圭  
測之皆合僊曰譬以大盆盛水而以虛器浮其中四邊  
定四方若器浮過東三寸以一寸折萬里則去西三寸  
亦如地之浮於水上蹉過東方三萬里則遠去西方三  
萬里矣南北亦然然則冬夏晝夜長短非日晷出沒之

所為乃地之游轉四方而然爾曰然

朱文公語錄

不有萬物

殊豈知方輿大地理山川隔

搖蕩山川失維歐陽

公區區魏中梁一米誰雌雄

泰山秋毫兩無窮鉅細

本出形相中大千起滅一塵裏未知頑頡誰雌雄

門

浮一區爾真妄果安在垂慈世人眼俯仰了大塊

東坡

山

經地中有山謙山附于地剝天下有山遊蕪山艮

艮

為山

易

封十有二山

書

隨山刊木

益

隨山濬川

禹

貢九山

刊旅上同景山與京 我徂東山 節彼南山 陟彼北

山 謂山蓋卑為岡為陵 莫高匪山 高山仰止

信彼南山維禹甸之 帝省其山 奕奕梁山維禹甸

之 天作高山太王荒之 於皇時周陟其高山 陟

彼景山詩 山虞掌山林之禁令周禮 山出器車記禮 今夫

山一卷石之多及其廣大草木生之禽獸居之寶藏興

焉中庸

子孔子登東山而小魯登泰山而小天下孟子 山不辭土



石故能成其大

管子

渤海之東有大壑焉其中有五山曰

岱輿圓嶠方壺瀛洲蓬萊五山之根無所連著帝命禺  
強使巨鼇十五舉首而戴之五山始峙而不動而龍伯  
之國有大人舉足不盈數步而暨五山之所一釣而連  
六鼇於是岱輿圓嶠二山沈於大海 大行王屋二山  
本在冀州之南河陽之北北山愚公年九十面山而居  
懲出入之迂也聚族而謀曰吾與汝畢力平險可乎妻  
曰焉置土石曰投諸渤海之尾遂率子孫荷擔者三夫

鄰人孀妻有遺男往助之寒暑易節始一反焉河曲智  
叟曰甚矣汝之不慧以殘年餘力曾不能毀山之一毛  
如大行王屋何愚公曰汝心之固曾不如孀妻弱子雖  
我之死有子存焉子子孫孫無窮匱也而山不加增何  
苦而不平操蛇之神聞之告之於帝帝感其誠命夸娥  
氏負二山一厝朔東一厝雍南自此冀之南漢之陰無  
隴斷焉子列不登高山不知天之高也積土成山而風  
雲興焉玉在山而木潤並荀丘陵學山而不至乎山

子揚

史黃帝披山通道登丸山及岱宗西至於崆峒登雞頭  
南至於江登熊湘逐葷粥合符釜山而邑於涿鹿之阿  
史自威宣燕昭使人入海求蓬萊方丈瀛洲三神山諸  
仙人及不死之藥皆在焉未至望之如雲臨之風輒引  
船去終莫能至封禪書余南登廬山觀禹疏九江遂至於  
會稽太滄上姑蘇望五湖東闕洛汭大邳逆河行淮泗  
濟潔洛渠西瞻蜀之岷山及離堆北自龍門至於朔方

禹巡狩至會稽而崩因葬焉上有孔穴民間云禹入

此穴

河渠書

嚴子陵隱於富春山

後漢

謝安棲遲東山放情

丘壑每遊賞必以妓從

晉傳

羊祜與從事鄒潤甫登峴山

垂泣曰自有宇宙有此山由來賢達勝士登此遠望者

多意皆湮滅無聞潤甫對曰明公德冠四海令聞令望

當與此山俱

本傳

桓沖謂王徽之曰卿在府日久比當相

料理徽之初不酬答直高視以手扳拄頤云西山朝來

致有爽氣耳

徽之傳

謝靈運好登山嘗著木屐上山則去

前齒下山則去後齒

南史本傳

盧藏用始隱終南山晚乃徇

權利司馬承禎嘗召至闕下藏用指終南山曰此中大

有佳處禎曰以僕視之此乃仕宦之捷徑耳

唐書

傳記山者土之聚也

國語

山三襲陟

山之形若三山重累者名陟

再成

英

山形兩重者名英

一成坯

山上更有一山重累者名坯

山大而高崧山小

而高峯銳而高嶠卑而大扈小而衆歸小山岌大山垣

岌高過也言小山與大山相並而小山高過於大山者名垣也

屬者嶧

山形相連屬不絕者名嶧

獨

者蜀

山之孤獨者名蜀

上正章

山形上平者名章

宛中隆

山形中央蘊聚而高者名

隆山脊岡未及上翠微未及頂上在旁陂陁之處山頂

冢如防者盛防隄也巒山墮巒山謂山形狹長也凡物狹而長謂之墮詩曰墮山喬嶽

重甌隙甌甌也形如累兩甌名曰隙左右有岸屈夾山有岸名曰屈大山宮

小山霍大山環遶小山其名曰霍小山別大山鮮小山與大山分別不相連其名曰鮮

山絕陁連山中斷絕名曰陁多小石礫多大石礮山上有水埒山

磧無所通谿石戴土謂之崔嵬土戴石為礪山夾水澗

陵夾水瀟山有穴為曲山西曰夕陽暮乃見日山東曰朝陽

旦即見日以土山多雲鐵山多石博物志大凡天下山上並見爾雅

五千三百七十居地大凡六萬四千五十六里地之東

西二萬八千里南北二萬六千里出水者八千里受水

者八千里出銅之山四千六十出鐵之山三千六百九

十青丘之山其陽多土其陰多青艸山海經天下名山

八而三在蠻夷五在中國類要五百歲天下名山一開開

時金玉湧出內傳山之為言宣也含澤布氣調五神也春秋

說題終南山一名地肺中有石室靈芝三秦紀終南一名

太一五經通義閔文衍思九華山圖於白綾半臂號九華半

臂

青陽記

驪山有飯祿泉金沙洞玉蘂峯

楊妃外傳

驪山箏殿

側有魏泉堂碑其石瑩徹玻璃石之碑也

同上

王烈入太

行山見石中有青泥流出烈取搏之隨手堅凝氣味如

粳米飯按仙經云此石髓服之壽與天地齊

神仙傳

李球

遊五臺山山中有風穴球墜焉引者曰此山道家紫府

洞也五峯之上皆積四海奇寶以鎮峯頂亦如茅山洞

鎮以安息之金墉城之寶春山襟玉環水香瓊以固上

真之宅

廣記

荆山為地雌上為軒轅室

河圖

宋武登八公山



劉安故臺曰城郭如匹帛之繞叢花也

帖六

雲縣有君山

大風雨後聞管絃聲其山謂之仙宮

南康記

崆峒山有三

其一在臨洮一在安定一在汝州

寰宇記

天為蜀王生五

丁力士能徙山

蜀王本記

南方有國土名為勝樂其國有山

名曰妙峯

華嚴經

大小洞天並見前集

集青陽縣南有子山山高數千丈有九峯如蓮花太史

公南遊畧而不書雖靈仙往復而賦詠無聞予乃削其

舊號加以九華之目詩云妙有三分氣靈山開九華

李太白

白 天河掛綠水綉出九芙蓉

太白

昔予仰太華以為此外

無竒愛女几荆山以為此外無秀今見九華始悼前言

之容易也歌云竒峯一見驚魂魄意想鴻爐始開闢疑

是九龍天矯欲攀天忽逢霹靂一聲化為石

劉禹錫北  
詠九華

上太行山艱哉何巍巍羊腸阪詰屈車輪為之摧

文選  
蒼

山何鬱盤飛閣凌上清

韋蘇州  
詠驪山

昔者先王遊高唐夢一

婦人曰妾巫山之女也為高唐之客妾在巫山之陽高

丘之阻旦為朝雲暮為行雨

宋玉高  
唐賦

散雨收夕臺行雲

卷神帳

古樂府

巫山十二鬱蒼蒼片石亭亭號女郎曉霧

乍開疑卷幔山花欲謝似殘粧

劉禹錫

十二峯前落照微

高唐宮暗坐迷歸朝雲暮雨長相接猶自君王恨見稀

李義山

從有精靈得往來狄軛龜軒亦顛隕

羅隱上詩以詠巫山

茲

嶺復嶺分區奠淮服東限瑯琊臺西距孟諸陸

文選雲

代之間有靈山焉與竺乾鷲嶺角立相望

劉文謂五臺山

其山

則盤紆峩鬱隆崇律萃岑崱參差日月蔽虧

文選

山逼畫

屏新稠疊千萬峯相連入雲去川岳涵餘清寒

山饒積翠

藍岑竦天壁突兀如鯨額奔蹙橫澄潭勢

吞落星石

積雪曜陰崖飛流鼓陽壑參差遠天際

縹渺晴霞外

疊峯礙河漢秀嶺橫牛斗一重一掩

吾肺腑山鳥山花吾友于

李白

潤聚金碧氣却畧羅峻

屏大山蟠嵌根

清最陪躋攀傲睨俯峭壁崇岡

相枕帶

那知根無鬼神藏已覺氣與嵩華敵

杜詩遙峯

出寸碧

公乎真愛山看山相連夕猶嫌山在眼不得

着脚歷

天空浮脩眉

韓集

積翠浮瀲灩始疑負靈鼈

迥窮兩儀際高出萬象表 海畔尖山似劍鋸秋來處

處割愁腸若為化得身千億散上峯頭望故鄉

柳集

檻前

山翠茂陵眉

杜牧之

本朝鴈蕩山永嘉郡其峯巖巒峒皆平地聳起竒秀之  
狀也甲於天下而謝靈運在永嘉窮訪山水發於吟詠

無一字及鴈蕩山者唐時詩人皆不言及蓋往時為灌

木叢密掩蔽不見至真宗朝造應宮伐木為楹始得此

也

東軒雜錄

溫州鴈蕩山祥符中因造玉清宮伐山取材有

人見之按西域書阿羅漢諾矩羅居震旦東南大海際  
鴈蕩山芙蓉峯龍湫唐僧貫休為諾矩羅贊有鴈蕩經  
行雲漠漠龍湫宴坐雨濛濛之句此山南有芙蓉峯山  
頂有大池相傳以為鴈蕩下有二潭水以為龍湫又有  
經行峽宴坐峯皆後人以貫休名之也筆談始余赴中山  
連日風埃未嘗了了見大行也今將適嶺表過臨城道  
中天氣肅然西南草木皆可數忽悟笑曰余南遷其必  
返乎此退之衡山之祥也東坡西登大行嶺北望清涼山

晴空浮五髻  
晻藹鄉雲間

清涼山謂五臺也同上

老杜詩云翠屏

宜晚對東坡云羊元居山當戶山峯奇秀每據筠床終

日笑傲或偃卧謂客曰此翠屏宜晚對爽人心目顏魯

公名其隱山為翠屏

同須知我是愛山者無一詩中不

說山 睡餘敲枕看山橫

雪裏山巒開曉幌 烟嵐

互明滅點綴若圖屏 山氣無四時

人去山自綠

山橫天地蒼茫外

江上孤峯蔽綠蘿 縣樓終日對嵯

峨 巉巖起絕壁蒼翠非刻鏤

遙岑聳孤出可愛欣

欲就 會須乘醉攜佳客踏雪來觀羣玉峯 島嶼松  
門數里長懸崖對起碧峯雙 南山鬱蒼舊可愛千仞  
巉巖如刻削林枯山瘦失顏色我意豈能無寂寞 千  
巖萬壑響松檜懸崖巨石飛流淙 江上山兮海上峯  
藹清蒼兮香巒叢霞飛霧散兮青空天思削兮壁立於  
鴻蒙懸崖磴絕兮險且窮穿雲渡水兮忽得路而不知  
其幾重中有平田廣谷兮與世隔絕猶有太古之遺風  
泉甘土肥兮鳥獸雖雖其人麋鹿兮既壽而豈不見人



間之幾時兮但見草木華落為秋冬

歐陽公

循上得勝遊

冒曉窮幽邃操戈畏炳彪  
回峯亂嶂鬱參差雲外

高人世得知  
山高惜人力十步輒一憩却立浮雲端

俯視萬井麗  
槎牙亂峯合晃蕩絕壁橫  
何人守蓬

萊夜半失左股  
浮山若鵬蹲忽展垂天羽根株互連

絡崖嶠爭吞吐  
方其欲化時天匠磨月斧帝觴分餘

瀝山骨醉后土峯巒尚開闔澗谷猶呼舞  
青山滿墻

頭髻鬢幾雲髻  
青山偃蹇如高人常時不肯入官府

高人自與山有素不待招邀滿庭戶 收覽竒秀得十

五強飲且為山作主 山向吾曹分外清 路轉山腰

足未移水清石瘦便能竒 直視無前氣吐虹五湖三

島在曾中 樹暗草深人靜處 捲簾敲枕卧看山

雲間聳孤翠 脚力盡時山更好莫將有限趣無窮

崖崩路絕玄鳥去惟有喬木攬天長 峩峩兩烟鬢古

鏡開新妝 山中亦何有木老石頭頑正賴天日光澗

谷紛爛斑 南山有佳色無人空自竒清詩為題品草

木變芬菲 青山自遶廊不要買山錢 梯山上巉絕  
俯視驚谿訝 無價青山為我賒 我昔曾為徑山客  
至今詩筆餘山色 君住此山三十年妙語應須得山  
骨 山高無風松自響誤認石齒號驚湍 含暉亭上  
望東溟凌霄峯頭把南嶽 每逢佳士與名山何異枯  
楊便馬疥今朝偶上法華嶺縱觀始覺人寰隘 攜琴  
已尋壑載酒復經丘 青山若無素偃蹇不相親 橫  
看成嶺側成峯遠近高低各不同不識廬山真面目

只緣身在此山中

以上並東坡

嶽

經咨四岳

書

奠高山大川注云高山五嶽

禹貢

考制度於

四岳諸侯各朝於方岳

周官

般巡狩而祀四岳河海也

詩序

隴山喬嶽

及河喬嶽

詩

大宗伯以血祭祭五嶽

周禮

天

子祭名山五嶽視三公

記王制

維嶽降神生甫及申維申

及甫為周之翰

此文武之德也

禮記

山嶽則配天

左

子山有嶽而且大者衆人所不能踰也

揚子

舜一歲而巡

五嶽國不費而民不勞

文中子

史五嶽四瀆節宣雲雨

前漢

地有山嶽以宣其氣者也

後天

志文嶽者靈氣之所宅

祭祀志注

山嶽磊落而羅峙

成公綏傳

爰登

方岳封禪勒成

晉書

五嶽

唐鑑

秦王謂尉遲敬德曰公之心

如山嶽然

唐書列傳

韋思謙曰御史出使若不動搖山嶽誠

曠職耳

本傳

集嶽脩貢兮川效珍

稟山嶽之孕靈

我我崇嶽吐

符降神

險資嶽靈

文選

激神嶽之蔭蔭

漢班固賦

峻嶽之

崇岡兮

嵇康賦

地有五嶽維天之柱

張說遺愛頌

自三光五嶽

之氣分

柳文

凝赤聳山岳

五嶽祭秩比三公四方環鎮

嵩當中

韓集

高嶽前律萃

杜詩

東嶽泰山

岱山同

經歲二月東巡狩至于岱宗

書

泰山巖巖魯邦所瞻

詩

兗州其山鎮曰岱山

周禮

孔子歌曰泰山其頽乎

記檀弓

齊

人將有事於泰山必先有事於配休

郊特牲

鄭伯請釋泰

山之祀而祀周公以泰山之祊易許田鄭伯使宛來歸

彷彿不祀泰山也左觸石而出膚寸而合不崇朝遍雨天

下者惟泰山雲爾公季氏旅於泰山子曰曾謂泰山不

如林放乎語

子挾泰山以超北海 泰山之於丘垤類也 孔子登

泰山而小天下孟孔子遊泰山見榮啟期列泰山之容

巍巍然高望之千里不見埵堞遠之故也淮南逐獸者

目不見泰山淮南升東嶽而後知衆山之列苑也况介丘

乎揚

史秦始皇上泰山風雨暴至休於樹下因封其樹為五

大夫 李斯上秦皇書曰泰山不辭土壤故能成其大

史泰山若礪功臣表 藺相如名重泰山傳 封禪七十二王

惟黃帝得上泰山封前郊志 泰山一名岱宗五嶽之長王

者易姓告代之處也五行志 武帝封泰山白雲起封中前漢

太始二年詔泰山見黃金本紀 方將增泰山之封加梁父

之高相如傳 天下之安猶泰山而四維之也嚴助 泰山之高

不嶢嶢不能滂滂雲雨散散蒸揚雄 光武建武三十二年



柴望登封泰山禪如梁陰以承靈瑞後紀太宗遣杜正倫

行泰山七十二君壇迹

唐禮樂志

玄宗詔張說撰封禪壇頌

刻之泰山

同上

自韓愈歿天下仰之如泰山北斗云

本傳贊

傳記泰山為東嶽

爾雅

泰山一曰天孫天帝之孫也主召

人魂魄

博物志

岱者代也東方萬物始交代之處

五經通義

泰

山盤道屈曲而上凡五十餘盤經小天門大天門西巖

為仙人石門東巖為介丘東南巖為日觀雞一鳴時見

日出黃河去泰山二百餘里祠所望黃河如帶

泰山記

泰

山南有廟悉種柏大者十五六圍相傳漢武所種

同岱

宗石室中上下懸絕其中金牀玉几

列仙傳

東岱亦曰泰

山六帖梁岳即泰山也

類要

岱宗之洞周回三千里名曰三

宮空洞之天

茅君內傳

集萃乎泰山不足為高

韓文

四月上泰山石平御道開六

龍過萬壑澗谷隨縈迴

李白

北眺寧嶂竒傾崖向東摧洞

門閉石扇地底興雲雷 天門一長嘯萬里清風來曠

然小宇宙棄世何悠哉 平明登日觀舉手開雲闕

黃河從西來窈窕入遠山憑崖覽八極目盡長空閒

李白

岱宗夫如何齊魯青未了造化鍾神秀陰陽割昏曉盪  
胸生層雲決眚入飛鳥會當凌絕頂一覽衆山小 東

嶽雲峯起

杜詩

本朝岱宗已在眼一往繼前躅天門四十里夜看扶桑

浴回頭望彭城大海浮一粟

東坡

### 南嶽衡山

經五月南巡狩至於南嶽

書

岷山之陽至於衡山

禹貢荆

州其山鎮曰衡山

周禮

史劉璘之嘗採藥至衡山深入忘返見有一澗水水南有  
二石困一開一閉水深廣不得過遇伐薪人問徑得

還或說困中皆仙靈方藥璘之欲更索不復知處也

晉書

李泌畏禍願隱衡山詔給三品祿賜隱士服為置室廬

唐書

傳記霍山為南嶽衡山一名岫嶽

山海經

衡山南嶽也至

黃帝乃以瀟霍二山為副

衡山記

禹傷父功不成乃巡衡

山血馬以祭之忽夢玄夷蒼水使者謂禹曰欲得我山神書者齊焉齊三日遂獲金簡玉字之書得治水之要

吳越春秋

漢武南巡以衡山遠道隔江漢乃徙南岳之祭于

廬江瀟山

荆州記

朱陵之靈臺大虛之寶洞赤帝館其嶺

祝融宅其陽自相川至長沙九向九背然後不見

衡山有三峰極秀一名芙蓉峯最為竦傑自非清霄之

朝不可望見峯上有泉飛派如一幅絹分映青林直注

山下同朱陵之靈壇太虛之寶洞當翼軫之宿度應璣

衡故曰衡山有五峯曰紫蓋曰密雲曰祝融曰天柱曰

石廩

記 湘州

湘東姚祖經衡山望巖下數少年並執筆作

書未至百步少年相與飛颺遺一紙書字字皆鳥跡

異苑

衡山有三峯一曰紫蓋每見有雙白鶴回翔其上二曰

石困下有石室三曰芙蓉上有飛泉

帖 六

集衡翟磊落以連鎮

郭景純賦

五嶽於中州衡山最遠南方

之山巍然高而大者百數獨衡山為宗最遠而獨為宗

其神必靈

韓送庠道士序

衡山蒼蒼入紫冥下看南極老人星

李  
白南嶽配朱鳥秩禮自百王歛吸領地仙鴻洞半焱方

祝融五峯尊峯峯次低昂紫蓋獨不朝爭長葉相望

南嶽據江湖杜詩委舟湘流往觀南嶽雲壁覃覃穹林

悠擢 山僧愛山出無期俗士牽俗來何時祝融峯下

一回首即是此生長別離 火維地荒足妖怪天假神

柄專其雄噴雲泄霧藏牛腹雖有絕頂誰能窮我來正

逢秋雨節陰氣晦昧無清風潛心默禱若有應豈非正

直能感通須臾靜掃衆峯出仰見突兀撐青空紫蓋連

延接天柱石廩騰擲堆祝融 岫嶺山尖神禹碑字青

石赤形摹竒

集韓

東南倚盖卑維嶽資柱石前當祝融居

上拂朱鳥翮青冥結精氣磅礴宣地脈還聞膚寸陰能

致彌天澤

劉禹錫

本朝不見祝融峯還泝瀟湘去山谷我來萬里駕長風絕

壑層雲許盪曾濁酒三杯豪氣發朗吟飛下祝融峯

衡嶽千仞起祝融一峯高羣山畏突兀奔走如曹逃捫

天消清壁俯壑崩銀濤所恨無十捨一掬了六齧朱文公



西嶽華山

經八月西巡狩至於西嶽書西傾朱圉鳥鼠至于太華

南至於華陰禹貢歸馬於華山之陽武成豫州其山鎮曰

華山

周禮

史秦始皇踐華山為城史始皇三十六年鄭容至華陰

望見素甲白馬從山上下知其非人道左止而待之遂  
持璧與鄭容曰為我遺鑄池明年祖龍死史張楷能為

五里霧所居成市徙華山有公超霧市後本傳

傳記華山為西嶽爾雅鄧紹入華山見童子以五綵囊盛

柏葉露華山記山頂有池生千葉蓮花服之羽化因曰華

山同上太華之山削成而四方其高五千仞其廣千里山海

經華山中頂石龜側有飛磴達背見玉女祠有五石白

號曰玉女洗頭盆廣記太華少華故曰二華華山三峯

帖六西方少陰用事萬物生華故曰華山白虎通毛女在華

陰山中獵師世世見之體生毛自言秦始皇宮人列仙傳

呼子先壽百餘歲臨去呼酒家媪令急裝便有仙人持

二毛狗來因各騎之乃龍也上華陰山嘗於山大呼言

子先酒母在此

同上

集西嶽太華之首峯有五崖比壑破巖而列自下遠而望之偶為掌形舊俗土記之傳者皆曰昔河自積石出而南流既越龍門遂弭南馳者千數百里折波左旋將走東溟連山塞之壅不得去有巨靈於此力擘而剖其中拓而北者為首陽絕而南者為太華河自此洩茫茫洋下馳故其掌跡猶存巨靈之跡也余往觀曰誕哉此說

乎夫所謂神者非人也其動無聲其行無跡若形而無象若色而無色拔山剖澤而不見其作鼓風奔水而不見其力視不可察名不可及故推而謂之神焉有神之作力而有人之跡乎

王涯仙

李白登華山落鴈峯曰此山

最高呼吸之氣想通帝座矣恨不持謝朓驚人詩來搔

首問青天耳

搔首集

諒少昊之下都即蓐收之別館

張說碑

西嶽出浮雲積氣在太清連天擬黛色百里遙青冥

王維

西嶽崢嶸何壯哉黃河如絲天際來 巨靈咆哮擘兩

山洪波噴流射東海三峯聳立如欲摧翠崖丹谷高掌  
開白帝金精運元氣石作蓮花雲作臺 太華三芙蓉

明星玉女峯

李白

西岳峻嶒聳處尊諸峯羅列似兒孫安

得仙人九節杖拄到玉女洗頭盆車箱入谷無歸路箭  
栝通天有一門稍待秋風涼冷後高尋白帝問真源

前軒頽返照巉絕華嶽赤

杜詩

太華峯頭玉井蓮開花十

丈藕如船冷比雪霜甘比蜜一片入口沉疴痊我欲求  
之不憚遠青壁無路難黃綠安得憑梯上摘實下種七

澤根株連

集韓

靈蹤露指爪殺氣見稜角

劉錫出

本朝李肇國史補載韓愈遊華山窮極幽險心悸目眩  
不能下發狂號哭投書與家人別華陰令百計取之方  
能下沈顏作贅書以為肇妄載豈有賢者輕命如此余  
觀之贈張籍詩云洛邑得休告華山窮絕徑倚巖睨海  
浪引袖拂天星日駕此回轄金神所司刑泉紳拖修白  
石劍攢高青磴薛達拳跼梯颯颯伶俦悔狂已咋齒垂  
戒仍鐫銘則知肇記為信然沈顏為妄辯也

隱居詩話

無為

子嘗以事過華山重九日飲酒蓮花峯上

東坡

### 北嶽恒山

經十有一月朔巡狩至於北嶽

書

太行恒山至於碣石

禹貢并州其山鎮曰恒山

周禮

子其山北臨代南俯趙東接河海之間早生而晚殺五

穀之所蕃熟四種五獲焉

管子

恒山之蛇名曰率然一身

而兩頭擊其一頭則一頭至擊其中則兩頭皆至

孫子

史趙簡子謂諸子曰吾藏寶符於恒山中往者立為後

諸子競往無所得無恤曰常山臨代代可取也簡子曰

是知符矣

史

傳記恒山為北嶽

爾雅

北方為恒恒者常也陰終陽始其

道常久故曰恒山

白虎通

常山高三千九百丈上方三千

里

山海經

慕容雋恒山上得璧七十二

前燕錄

慕容者常山

道士自稱殷女食蓬萊根往來山下見者二百餘年顏

色如二十許人

列仙傳

集大哉茲嶽殊於衆山嵩華乃跼其近向衡岱不踰於



方域孰與夫包括綿長經綸中外外夷有四昴宿主胡  
則延袤以限之中郡有五寶符在岱則高褭以臨之其  
頂也上扶乾門黑帝之宮觀其足也下捺坤軸玄神之  
都府豈止劈冀魏截幽燕拒洪河撐大海鴻洞合沓半  
天下之襟帶嵯峨巉巖一宇宙之標格者也

張嘉  
貞碑

### 中嶽嵩山

經崧高維嶽峻極於天維嶽降神生甫及申

詩

史漢武帝詔曰朕有事華山至於中嶽翌日親登崇崧

御史乘屬在廟傍吏卒咸聞呼萬歲者三登禮罔不答

其令祠官加增太室祠禁無伐其草木以山下三百戶

為之奉邑名曰崇崧前紀則天改嵩山為神岳唐書李渤隱

少室山以右拾遺召謝不起同上

傳記中央之嶽居四方之中而高故曰嵩山白虎通其山

三十六峯東曰太室西曰少室嵩其總名也謂之室者

以其下各有石室焉西征記岳之西北一峯號望都峯天

氣清暖即望見洛陽東北一峯號雞鳴五更之初便見

日出紀異東龍門之南有許由山高大自絕其北有潁水

堯聘許由處

道書

周靈王太子晉遇浮丘公接上嵩山

列仙

傳

嵩高山北有大穴嘗有人誤墜穴中同輩投食墜者

得之為尋穴而行計可十許日忽曠然見明又有草屋  
中有二人對奕局下有一杯自飲墜者告以飢渴暴者  
曰可飲此墜者飲之氣力十倍半年許乃出自蜀中歸  
洛下問張華華曰此仙館所飲者玉漿也所食者龍穴

石髓也

世說

集嵩山有神人焦鍊師不知何許婦人也嘗胎息絕穀  
居無室廬遊行若飛倏忽萬里世或傳其入東海登蓬  
萊竟亦不能測其往也

李白

元丹丘愛神仙朝飲潁泉之

清流暮還嵩岑之紫烟三十六峯長周旋躡星虹身騎  
飛龍耳生風橫河踐海與天通我知爾遊心無窮

李白

本朝嵩峯三十六終日對高閣陰晴無朝暮紫氣嘗浮  
泊雄然九州中氣象壓寥廓亦嘗步其巔培塿視四岳  
始疑茫昧初混沌死鑄鑿神功夜催就萬仞成一削

尤奇十二峯隱見入冥邈顧瞻但徘徊想像逢綽約

嵩山近可愛泉石吾已諾終朝有幽人白首老雲壑荆  
巫惜遐荒詭怪杳難邈况逢秋雨霽濃染新翠濯峯端

上明月且可留幽酌 嵩峯三十六蒼翠爭聳出 高

嵐久不見寒碧更潺顏

歐陽公

### 假山

經青州厥貢怪石 為山九仞功虧一篑書 維石巖巖

漸漸之石 詩

子宋之愚人得燕石而藏之以為寶客見之掩口而笑

曰此燕石也其與瓦甃不殊

荀子

史魏明帝鑿太行之石英採穀城之文石起景陽山於

芳林園公卿以下莫不展力帝躬自握土以率之

魏志

到

溉居近淮水齋前山池有奇礪石長一丈六尺梁武帝戲

與賭之并禮記一部溉並輸焉石即遷置華林園宴殿

前所謂到公石也

南史

薛元超轉中書舍人弘文館學士

省中有盤石其祖道衡常據以草制元超每見輒泣然

流涕

唐書

有人獲洛水白石而赤文者獻闕下曰此石赤

心故以獻李昭德叱曰洛水餘石豈盡能反邪同拔野

古有川曰康干河斷松投之三年輒化為石色蒼緻然

脈理猶在世謂康干石

四統傳

唐莊宗朝張全義為四鎮

節度有監軍嘗得李德裕平泉醒酒石德裕孫延古因

託全義復求之監軍忿然曰自黃巢亂後洛陽園宅無

復能守豈獨平泉一石哉全義嘗在巢賊中以為譏已

大怒笞殺之

五代史

傳記流洲在西海中上多積石名為昆吾石

十洲記

白樂

天作牛竒章石記曰公嗜石以甲乙丙丁為品太為上  
羅浮次之天竺又次之餘為下 李德裕居平泉山誠

子弟記曰鬻平泉者非吾子孫也以平泉一石與人者

非佳子弟也

雞跖

李葉好竒有異石高二尺許嵌磴可愛

每至未時節其氣出於石穴中若烟雲之狀因目之為

未石

揮犀

陶淵明所居栗里兩山間中有大石仰視玄瀑

可坐十人號醉石

廬山記

華山掌其石如人肉色每太陽



對照則見之暮則漸隱不見

賈氏  
談錄

王維輞川林下坐用

雷門四老石燈滅則石中鑽火

事畧

集渙若奔雲錯若置暴怒者虎鬪企者鳥厲抉其穴則

鼻口相呀搜其根則蹄股交峙環行卒愕疑若搏噬

柳萬

石亭  
記

有盤坳秀出如靈丘鮮雲者有端險挺立如真官

神人者有纈潤削成如珪瓚者有廉稜銳劇如劍戟者  
又有如虬如鳳若踞若踟若動將翔將踴如鬼如獸若行若  
聚將竦將鬪風烈雨晦之夕洞穴開噎若欲雲歛雷嶷

嶷然有可望而畏之者烟霽景麗之旦巖壑靈霽若拂  
嵐撲黛靄靄然有可狎而翫之者三山五嶽百洞千壑  
覩縷簇縮盡在其中百仞一拳千里一瞬坐而得之

樂白

天容從山來遺我盤石員平膩滑廣袤六尺質凝雲白

文坼烟碧莓苔有斑麋鹿無跡置之竹下風掃露滴坐  
待禪僧眠留醉客清冷可愛肢體甚適便是白家夏天

床席

盤石銘

震澤生竒石沉潛得地靈初辭水府出猶帶

龍宮腥發自江湖國采榮卿相庭從風夏雲勢上漢古

槎形拂拭魚鱗見鏗鏘玉韻聆烟波含宿潤苔蘚助新  
青嵌穴狐雛貌織鉉蟲篆銘潺顏傲林薄飛動向雷霆  
太湖石詩錯落復崔嵬蒼然玉一堆峰駢仙掌出罅坼劍門

開峭頂高危矣蟠根下壯哉精神欺竹樹氣色壓亭臺  
隱起磷磷狀凝成瑟瑟胚廉稜露鋒刃清越叩瓊瑰岌  
業形將動嵬莪勢欲摧竒應連鬼怪靈合蓄風雷黛潤  
霏新雨斑明點古苔未應棲鳥雀不肯染塵埃尖削琅  
玕筍窪剜瑪瑙壘海神移碣石畫嶂簇天台 烟翠三

秋色波濤萬古痕削成青玉片截斷碧雲根 迴頭問

雙石能伴老夫否石雖不能言許我為三友 三能為

刺史飯水復食藥唯向天竺山取得兩片石此抵有千

金無乃傷清白 太湖石詩南曹小司寇舅累土為山一簣盈

尺嶽崙嬋娟宛有塵外數致詩云一簣功盈尺三峯意

出羣望中疑在野幽處欲生雲 江間饒奇石 竭嶼

怪石走 杜詩當軒乍駢羅隨勢忽開坼有洞若神剝有巖

類天劃終朝巖洞間歌吹宴親戚孰謂衡霍奇近在王

侯宅

韓詩  
下同

湖嵌費攜擎

本朝堯王作假山翊善姚垣曰不見假山惟見血山皆  
生民膏血所成時太宗為諸王作假山聞語而罷通鑑吳

仲庶守金陵夢三舉子求哀曰若不垂佑明日當為煨

燼矣公甚異之詰旦兵馬司狀申乞燒三醜石為灰供

脩造用公遂悟敕寺僧愛護焉揚公筆錄政和間零陵縣貢

一巨石舟載至京師毀水門樓以入千夫舁之不能動

裕陵親灑宸翰云慶雲萬態竒峯仍以金帶一條挂其

上遂即可移頃刻至苑中

揮麈錄

余家有三峯余愛之非

徒愛其似山而又有所感焉非徒愛之而又有所敬焉

余見中峯魁岸倨肆意氣端重若有以服其旁之二峯

二峯莊栗刻削凜不可犯雖其勢服於中峯而岌然決

無阿附意吁可敬也夫其亦有所感也夫

老泉木  
假山記

新霜

夜落秋雨殘有石露出寒溪垠苔昏蟲食禽鳥啄出沒

溪水秋復春溪邊老翁生長見疑我來視何殷勤愛之

遠徙入幽谷曳以三犢載兩輪行穿城中罷市看但驚

可怪誰復珍荒烟野草埋沒久洗以石竇清冷泉朱欄  
綠竹相掩映選致佳處當南軒南軒旁列千萬峯曾未  
有此竒嶙峋乃知異物世所少萬金爭買傳幾人 匠

智無遺巧天形窮幽探謂我愛山者為山列前簷頽垣  
不數尺萬嶮由心潛或開如斷碧或呀若砮礮或長隨  
靡迤或瘦露空嵌險穴虧杳杳高屏立巉巉後出忽孤  
聳羣卉杳相參宛若氣融結突如鬼鑄鑱豈知几席間  
百態生濃纖

范成大

甘露寺有石如羊相傳謂之狼石云

諸葛孔明坐其上與孫仲謀論曹公也詩曰狼石卧庭  
下穹窿狀伏虯 謝安所居有石一株嘗倚杖相對吟  
嘯終日忘歸北齊謝洙名之為玉筍峯唐柳公權榜其  
亭曰獨秀峯杜詩云倚杖看孤石 至揚州獲二石  
其一綠色岡巒迤邐有穴達於背其一正白可鑒漬以  
盆水置几案間 李正臣蓄異石九峯玲瓏宛轉若廳  
櫺然予欲以百金買之與仇池為偶名之曰壺中九華  
且以詩紀之詩云念我仇池太清絕百金來買碧玲瓏



僕所藏仇池石希代之寶也詩云海石來珠宮秀色  
如蛾綠坡陀尺寸間宛轉陵蠻足連娟二華頂空洞三  
茅腹初疑仇池化又恐瀛洲蹙殷勤嶠南使饋餉揚州  
牧盛以高麗盆薦以文登玉 靈壁出石多似圖劉氏  
園中有一株獨反覆可觀作麋鹿可宛頸狀東坡居士  
欲得之乃畫臨華閣壁作醜石風竹主人喜乃以遺之  
忽從塵埃中來對冰雪顏瘦骨扶凜凜蒼根漱潺潺  
但當對石飲萬事付等閒

東坡

石屏出零陽白鶴山紹興

間有宗子於水中得一石光采絢異其文若峯巒聳秀  
渾然天成自是石工鑿取益衆烟雲雪月之景波瀾龍  
鳳之象雖巧畫者莫臻其妙

零陵志

米芾知無為軍初入

州解見立石頗竒喜曰此足以當吾拜命取袍笏拜之

每呼曰石丈

石林燕語

記纂淵海卷六